

Cap. 6. Quatuor quadrigae, 4. ZACHARIAS. Cap. 7. Quæstio super ieiunio & planctu.  
regnorum figure.

5. Et respondit angelus, & ait ad me: Ipsi sunt quatuor venti cœli, qui egrediuntur ut stent coram Dominatore omnibus terræ.

6. In qua erant equi nigri, egrediebantur in terram Aquilonis: & albi egressi sunt post eos: & varii egressi sunt ad terram Austris.

7. Qui autem erant robustissimi, exierunt, & quærebant ire, & discurrere per omnem terram. Et dixit: Ite, perambulate terram: & perambulaverunt terram.

8. Et vocavit me, & locutus est ad me, dicens: Ecce qui egrediuntur in terram Aquilonis, requiescere fecerunt spiritum meum in terra Aquilonis.

9. Et factum est verbum Domini ad me, dicens:

10. Sume à transmigratione ab Hollandi, & à Tobia, & ab Idaïa; & venies tu in die illa, & intrabis domum Iosiae, filii Sophoniæ, qui venerunt de Babylone.

11. Et sumes aurum, & argentum: & facies coronas, & pones in capite Iesu filii Iosephi sacerdotis magni,

12. & loquérис ad eum, dicens: Hæc ait Dominus exercituum, dicens: \*Ecce

\* Luke 1. 78. VIR ORIENS NOMEN EIUS: & subter eum orietur, & ædificabit templum Domino.

13. Et ipse exfructetur templum Domino: & ipse portabit gloriam, & sedebit, & dominabitur super solio suo: & erit sacerdos super solio suo, & consilium pacis erit inter illos duos.

14. Et coronæ erunt Helem, & Tobiam, & Idaïa, & Hem, filio Sophoniæ, memoriale in templo Domini.

15. Et qui proculi sunt, venient, & ædificabunt in templo Domini: & sciatis quia Dominus exercituum misit me ad vos. Erit autem hoc, si auditu audieritis vocem Domini Dei vestri.

## CAPUT VII.

Ieiunia, quibus Iudei per 70. annos captivitatis ieiunaverunt, non placebant Domino, quia in iniuriantibus suis permanebant: proinde bortatur eos ad resipiscientiam; nam, quia prophetas olim non audierant, dispersit eos Dominus in Gentes, terraque desolata facta est propter ipsorum iniurias.

Anno M. 3487. 1. ET factum est in anno quarto Darij regis, factum est verbum

Domini ad Zachariam, in quarta mensis noni, qui est Casleu.

2. Et miserunt ad domum Dei Sarafar, & Rogommelech, & viri, qui erant cum eo ad deprecandam faciem Domini:

3. ut dicerent sacerdotibus domus Domini exercituum, & prophetis loquentes: numquid flendum est mihi in quinto \* Die eius septimo quo eversum est templum.

4. Et factum est verbum Domini exercituum ad me, dicens:

5. Lóquere ad omnem populum terræ, & ad sacerdotes, dicens: \* Cùm ieiunaretis, & plangeretis in quinto & septimo \* per hos septuaginta annos: numquid ieiunium ieiunastis mihi?

6. & cùm comedistis, & bibistis, numquid non vobis comedistis, & vobismetipsis bibistis?

7. Numquid non sunt verba, quæ locutus est Dominus in manu prophetarum priorum, cùm adhuc Ierusalem habitaretur, & esset opulenta, ipsa & urbes in circuitu eius, & ad Austrum, & in campis fratribus habitaretur?

8. Et factum est verbum Domini ad Zachariam, dicens:

9. Hæc ait Dominus exercituum, dicens: \* Iudicium verum iudicate, & misericordiam, & miserationes facite, unusquisque cum fratre suo.

10. \* Et viduam, & pupillum, & advenam, & pauperem nolite calumniari: & malum vir fratri suo non cogitet in corde suo.

11. Et noluerunt attendere, & avertirent scapulam recedentem, & aures suas aggravaverunt ne audirent.

12. Et cor suum posuerunt ut adamantem ne audirent legem, & verba quæ misit Dominus exercituum in spiritu suo per manum prophetarum priorum: & facta est indignatio magna à Domino exercituum.

13. Et factum est sicut locutus est, & non audierunt: sic clamabunt, & non exaudiam, dicit Dominus exercituum.

14. Et dispersi eos per omnia regna, quæ nesciunt: & terra desolata est ab eis, eò quod non esset transiens & revertens: & posuerunt terram desiderabilem in desertum.

CA-

Cap. 8. De reditu Israëlitici populi. ZACHARIAS. Cap. 8. Concursus Gentium ad Christum.

## CAPUT VIII.

Sicut Dominus propter peccata populi sui afflixit eum, & desolatam fecit Ierusalem; sic nunc facit illam plurimum habitari, omniisque dabit prospera, modò ei serviant: quibus adiungentur & alia gentes: de fimbria Iudei à decem viris ethnicis apprehensâ.

1. ET factum est verbum Domini exercituum, dicens:

2. Hæc dicit Dominus exercituum: Zealous sum Sion zelo magno, & indignatione magnâ zelatus sum eam.

3. Hæc dicit Dominus exercituum: Reversus sum ad Sion, & habitabo in medio Ierusalem: & vocabitur Ierusalem Civitas veritatis, & Mons Domini exercituum mons sanctificatus.

4. Hæc dicit Dominus exercituum: Adhuc habitabunt senes, & anas in plateis Ierusalem: & viri baculus in manu eius præ multitudine dierum.

5. Et plateæ civitatis complebuntur infantibus, & puellis ludentibus in plateis eius.

6. Hæc dicit Dominus exercituum: Si videbitur difficile in oculis reliquiarum populi huius in diebus illis, numquid in oculis meis difficile erit, dicit Dominus exercituum?

7. Hæc dicit Dominus exercituum: Ecce ego salvabo populum meum de terra Orientis, & de terra Occidentis solis.

8. Et adducam eos, & habitabunt in medio Ierusalem: & erunt mihi in populum, & ego ero eis in Deum in veritate, & in iustitia.

9. Hæc dicit Dominus exercituum: Confortentur manus vestre, qui auditis in his diebus sermones istos per os prophetarum in die, quæ fundata est domus Domini exercituum, ut templum ædificaretur.

10. Siquidem ante dies illos merces hominum non erat, nec merces iumentorum erat, neque introœulti, neque exenti erat pax præ tribulatione: & dimisi omnes homines, unumquemque contra proximum suum.

11. Nunc autem non iuxta dies priores ego faciam reliquias populi huius, dicit Dominus exercituum,

12. sed semen pacis erit: vinea dabit fructum suum, & terra dabit germen suum, & cœli dabunt rorem suum: & possidere faciam reliquias populi huius universa hæc.

13. Et erit: sicut eratis maledictio in

Gentibus, domus Iuda, & domus Israël: sic salvabo vos, & eritis benedictio: nolite timere, confortentur manus vestre.

14. Quia hæc dicit Dominus exercituum: Sicut cogitavi ut affligerem vos, cum ad iracundiam provocasset patres vestri me, dicit Dominus,

15. & non sum misertus: sic conversus cogitavi in diebus istis ut benefaciam domum Iuda, & Ierusalem: nolite timere.

16. Hæc sunt ergo verba, quæ facietis: \* Loquimini veritatem, unusquisque cum \* Ephes. 4. proximo suo: veritatem, & iudicium pacis iudicare in portis vestris.

17. Et unusquisque malum contra amicum suum ne cogitatis in cordibus vestris: & iuramentum mendax ne diligatis: omnia enim hæc sunt, quæ odi, dicit Dominus.

18. Et factum est verbum Domini exercituum ad me, dicens:

(a) Cuius die 9. per rupta fuit civitas te rofolyorum, ut est Ierem. 52. 6. & 7. † De quo sup. 7. 3. 5.

19. Hæc dicit Dominus exercituum: Ieiunium quarti (a), & ieiunium quinti (b), & ieiunium septimi (c), & ieiunium decimi (d) erit domui Iuda in gaudium, & lætitiam, & in solemnitates præclaras: veritatem tantum, & pacem diligit.

(b) Cuius die 10. templum combustum. Ier. 52. 12. Ipso die Sabati.

20. Hæc dicit Dominus exercituum: Usquequo veniant populi, & habitent in civitatibus multis,

21. & vadant habitatores, unus ad alterum, dicentes: Eamus, & deprecemur faciem Domini, & quæramus Dominum exercituum: vadam etiam ego.

(c) Quo populi reliquæ, ex ipso Godolli, dispersæ sunt. Ier. 41. 2.

22. Et venient populi multi, & gentes robustæ ad quærendum Dominum exercituum in Ierusalem, & deprecandam faciem Domini.

(d) Cuius die 10. urbs sub Sedecia, à Nabuchodonosore, primum obsedi cæpta est. Ier. 52. 4.

23. Hæc dicit Dominus exercituum: In diebus illis, in quibus apprehendent decem homines ex omnibus linguis Gentium, & apprehendent fimbriam viri Iudei, dicentes: Ibimus vobissem: audiavimus enim quoniam Deus vobissem est.

CAPUT IX.

Vaticinatur adversus civitates Syria, & superbos Philistæos: rex Christus venturus est ad Sion insidens pullo astri, & ablato bello imperabit mundo in magna pace: qui etiam emisit vindictas de lacu in sanguine testamenti sui: omnia dicitur futura populo Dei prospera, quoniam ipse eum proteget.

1. O Nus verbi Domini in terra Hadach, & Damasci requiei eius: quia Domini est oculus hominis, & omnium tribuum Israël.

2. Emath

2. Emath quoque in terminis eius, & Tyrus, & Sidon: assumperunt quippe sibi sapientiam valde.

3. Et ædificavit Tyrus munitionem suam, & coacervavit argentum quasi humum, & aurum ut lutum platearum.

4. Ecce Dominus possidebit eam, & percutiet in mari fortitudinem eius, & hæc igni devorabitur.

5. Videbit Ascalon, & timebit: & Gaza, & dolebit nimis: & Accaron, quoniam confusa est spes eius: & peribit rex de Gaza, & Ascalon non habitabitur.

6. Et sedebit separator in Azoto, & disperdam superbiam Philistinorum.

7. Et auferam sanguinem eius de ore eius, & abominationes eius de medio dentium eius, & relinquetur etiam ipse Deus nostro, & erit quasi dux in Iuda, & Accaron quasi Iebusæus.

8. Et circumdabo domum meam ex his, qui militant mihi euntes & revertentes, & non transibit super eos ultra exactor: quia nunc vidi in oculis meis.

\* Isai. 62. 9. \* Exulta sati filia Sion, iubila filia Ierusalem: ECCE REX TUUS veniet tibi iustus, & salvator: ipse pauper, & ascenden-  
s. dens super asinam, & super pullum filium asinæ.

10. Et disperdam quadrigam ex Ephraïm, & equum de Ierusalem, & dissipabitur arcus belli: & loquetur pacem Gentibus, & potestas eius à mari usque ad mare, & à fluminibus usque ad fines terræ.

11. Tu quoque in sanguine testamenti tui emisisti viñtos tuos de lacu, in quo non est aqua.

12. Convertimini ad munitionem vincti spei, hodie quoque annuncians duplicità reddam tibi.

13. Quoniam extendi mihi Iudam quasi arcum, implevi Ephraïm: & suscitabo filios tuos Sion super filios tuos Græcia: & ponam te quasi gladium fortium.

14. Et Dominus Deus super eos videbitur, & exhibet ut fulgor, iaculum eius: & Dominus Deus in tuba canet, & vadet in turbine Austri.

15. Dominus exercitum proteget eos: & devorabunt, & subjicient lapidibus fundæ: & bibentes inebrabuntur quasi à vino, & replebuntur ut phialæ, & quasi cornua altaris.

16. Et salvabit eos Dominus Deus eorum in die illa, ut gregem populi sui: quia lapides sancti elevabuntur super terram eius.

17. Quid enim bonum eius est, & quid pulchrum eius, nisi frumentum electorum, & vinum germinans virginis?

## C A P U T X.

Solus Dominus potest petita prestare, qui confortabit Iudaos: & misertus ipsorum congregabit eos de variis locis captivitatis in terram præfam, humiliatis ipsorum inimicis.

1. Petite à Domino pluviam in tempore serotino, & Dominus faciet nives, & pluviam imbris dabit eis, singulis herbam in agro.

2. Quia simulachra locuta sunt inutile, & divini viderunt mendacium, & somnatores locuti sunt frustra: vanè consolabantur: idcirco abduicti sunt quasi grex: affligerunt, quia non est eis pastor.

3. Super pastores iratus est furor meus, & super hircos visitabo: quia visitavit Dominus exercitum gregem suum, dominum Iuda, & posuit eos quasi equum gloriae suæ in bello.

4. Ex ipso angulus, ex ipso paxillus, ex ipso arcus prælii, ex ipso egredietur omnis exactor simul.

5. Et erunt quasi fortes conculcantes lumen viarum in prælio: & bellabunt, quia Dominus cum eis: & confundentur ascensores equorum.

6. Et confortabo domum Iuda, & dominum Ioseph salvabo: & convertam eos, quia miserebor eorum: & erunt sicut fuerunt quando non proieceram eos: ego enim Dominus Deus eorum, & exaudiam eos.

7. Et erunt quasi fortes Ephraïm, & lætabitur cor eorum quasi à vino: & filii eorum videbunt, & lætabuntur, & exultabit cor eorum in Domino.

8. Sibilabo eis, & congregabo illos, quia redemi eos: & multiplicabo eos sicut ante fuerant multiplicati.

9. Et semenabo eos in populis, & de longe recordabuntur mei: & vivent cum filiis suis, & revertentur.

10. Et reducam eos de Terra Ægypti, & de Assyrii congregabo eos, & ad Terram Galaad & Libani adducam eos, & non invenietur eis locus:

11. Et transfibit in maris freto, & percutiet in mari fluctus, & confundentur omnia profunda fluminis, \* & humiliabitur superbia Assur, & sceptrum Ægypti recedet.

\* Apoc. 16.  
12. Isai. 11.  
13.

12. Con-

12. Confortabo eos in Domino, & in nomine eius ambulabunt, dicit Dominus.

## C A P U T X I.

Iubet Dominus paci pecora occisionis, quibus non parcerat, quia pastores eorum non parcebant eis: de duabus virgis tandem abscessis, & tribus pastoriis uno mense succisis: de appensa mercede triginta argenteorum projectorum ad statuarium: de alio malo pastore à Domino suscitando.

1. A Peri Libane portas tuas, & co-medat ignis cedros tuas.

2. Ulula abies, quia cécidit cedrus, quoniam magnifici vastati sunt: ululate quer-  
cus Basan, quoniam succisus est faltus munitus.

3. Vox ululatús pastorum, quia vastata est magnificentia eorum: vox rugitús leonum, quoniam vastata est superbia Iordanis.

4. Hæc dicit Dominus Deus meus: Pa-fce pecora occisionis,

5. quæ qui possederant, occidebant, & non dolebant, & vendebant ea, dicentes: Benedictus Dominus, divites facti sumus, & pastores eorum non parcebant eis.

6. Et ego non parcam ultra super habitan-  
tes terram, dicit Dominus: ecce ego tradam homines, unumquemque in manu proximi sui, & in manu regis sui: & con-  
cident terram, & non eruam de manu eorum.

7. Et pascam pecus occisionis propter hoc, ô pauperes gregis: & assumpsi mihi duas virgas: unam vocavi Decorem, & alteram vocavi Funiculum: & pavi gregem.

8. Et succidi tres pastores in mense uno, & contracta est anima mea in eis: siquidem & anima eorum variavit in me.

9. Et dixi: Non pascam vos: quod mori-  
tur, moriatur: & quod succiditur, suc-  
cidatur: & reliqui dévorent unusquisque carnem proximi sui.

10. Et tuli virgam meam, quæ voca-  
batur Decus, & abscedi eam ut irratum facerem fœdus meum, quod percussi cum omnibus populis.

11. Et in irratum deductum est in die illa: & cognoverunt sic pauperes gregis, qui custodiunt mihi, quia verbum Domini est.

12. Et dixi ad eos: Si bonum est in oculis vestris, afferte mercedem meam: & si

non, quiescite. \* Et appenderunt merce-  
dem meam triginta argenteos.

13. Et dixit Dominus ad me: Projice illud ad statuarium, decòrum pretium, quo appretiatus sum ab eis. Et tuli tri-  
ginta argenteos: & proieci illos in domum Domini ad statuarium.

14. Et præcidi virgam meam secundam, quæ appellabatur Funiculus, ut dissolvet  
rem germanitatem inter Iudam, & Israël.

15. Et dixit Dominus ad me: Adhuc sume tibi vase pastoris stulti.

16. Quia ecce ego suscitabo pastorem in terra, qui derelicta non visitabit, dispersum non quæreret, & contritum non sanabit, & id quod stat non enutriet, & carnes pinguium cómedet, & ungulas eorum dissolvet.

17. O pastor, & idolum, derelinquens gregem: gladius super brachium eius, & super oculum dextrum eius: brachium eius ariditatem siccabitur, & oculus dexter eius tenebrescens obscurabitur.

## C A P U T X I I.

Iuda & Ierusalem à variis regnis affligerunt; sed rursum reducti filii Israël in terram suam superiores erunt his qui se afflixerant; effusoque à Domino spiritu gratia super habitatores Ierusalem, aspiciunt ad eum quem confixerunt, & super eum dolebunt, plangentes, singula familia seorsum.

1. O Nus verbi Domini super Israël. Dicit Dominus extendens cælum, & fundans terram, & fingens spiritum hominis in eo:

2. Ecce ego ponam Ierusalem superlimare crupulæ omnibus populis in circuitu: sed & Iuda erit in obsidione contra Ierusalem.

3. Et erit: In die illa ponam Ierusalem lapidem oneris cunctis populis: omnes, qui levabunt eam, conciōne lacerabuntur: & colligentur adversus eam omnia regna terræ.

4. In die illa, dicit Dominus, percutiam omnem equum in stuporem, & ascenforem eius in amentiam: & super domum Iuda aperiā oculos meos, & omnem equum populorum percutiam cæcitate.

5. Et dicent duces Iuda in corde suo: Confortentur mihi habitatores Ierusalem in Domino exercitum Deo eorum.

6. In die illa ponam duces Iuda sicut

ca-

caminum ignis in lignis, & sicut facem ignis in feno: & devorabunt ad dexteram, & ad sinistram omnes populos in circuitu: & habitabitur Ierusalem rursus in loco suo in Ierusalem.

7. Et salvabit Dominus tabernacula Iuda, sicut in principio: ut non magnificè glorietur domus David, & gloria habitantium Ierusalem contra Iudam.

8. In die illa proteget Dominus habitatores Ierusalem, & erit qui offenderit ex eis in die illa, quasi David: & domus David quasi Dei, sicut angelus Domini in conspectu eorum.

9. Et erit in die illa: quæram conterere omnes Gentes, quæ veniunt contra Ierusalem.

10. Et effundam super domum David, & super habitatores Ierusalem spiritum gratiæ, & precum: \* & aspicient ad me, quem confixerunt: & plangent eum planctu quasi super unigenitum, & dolebunt super eum, ut doleri solet in morte primogeniti.

11. In die illa magnus erit planctus in Ierusalem, \* sicut planctus Adadremmon in campo Mageddon.

12. Et planget terra: familiæ & familiæ seorsum: familiæ domûs David seorsum, & mulieres eorum seorsum:

13. familiæ domûs Nathan seorsum, & mulieres eorum seorsum: familiæ domûs Levi seorsum, & mulieres eorum seorsum: familiæ Semei seorsum, & mulieres eorum seorsum.

14. Omnes familiæ reliquæ, familiæ & familiæ seorsum, & mulieres eorum seorsum.

## C A P U T X I I I .

Cum fuerit fons patens domui David in ablutionem peccatoris, tollentur idola; & pseudopropheœtæ à sibi charissimis lapidabuntur: quæ sint plagæ in medio manuum: percutiendus pastor, & oves dispergenda: duas partes hominum dispergentur in omni terra, & tertia per ignem probabitur.

1. IN die illa erit fons patens domui David, & habitantibus Ierusalem in ablutionem peccatoris, & menstruatæ. \* Ezech. 2. \* Et erit in die illa, dicit Dominus exercitum: Disperdam nomina idolorum de terra, & non memorabuntur ultra: & pseudopropheœtæ, & spiritum immundum auferam de terra.

3. Et erit, cùm prophetaverit quispiam ultra, dicent ei pater eius, & mater eius,

qui generunt eum: Non vives: quia mendacium locutus es in nomine Domini. Et consigent eum pater eius, & mater eius, genitores eius, cùm prophetaverit.

4. Et erit: In die illa confundentur prophœtæ, unusquisque ex visione sua cùm prophetaverit: nec operientur pallio sacerdotio, ut mentiantur:

5. sed dicet: Non sum propheta, homo agricola ego sum: quoniam Adam exemplum meum ab adolescentia mea.

6. Et dicetur ei: Quid sunt plagæ istæ in medio manuum tuarum? Et dicet: His plagatus sum in domo eorum, qui diligenter me.

7. Framea suscitare super pastorem meum, & super virum cohærentem mihi, dicit Dominus exercitum: \* percute pastorem, & dispergentur oves: & convertam manum meam ad parvulos. \* Matth. 26. 31. Marc. 14. 27.

8. Et erunt in omni terra, dicit Dominus: partes duæ in ea dispergentur, & deficient: & tertia pars relinquetur in ea.

9. Et ducam tertiam partem per ignem, & uram eos sicut uritur argentum: & probabo eos sicut probatur aurum. Ipse vocabit nomen meum, & ego exaudiam eum. Dicam: Populus meus es; & ipse dicet: Dominus Deus meus.

## C A P U T X I V .

Postquam Ierusalem passa fuerit captivitatem aliasque afflictiones à Gentibus, erit dies nota Domino, cùm exhibunt aquæ vivæ de Ierusalem: & filii Israël revertentur, habitaturi securè in Ierusalem: percutiètque Dominus plagæ Gentes, quæ pugnaverunt adversus Ierusalem, & harum reliquie ascendent ut adorent Dominum in Ierusalem: sanctum que erit quod est super fratum equi.

1. Ecce venient dies Domini, & dividentur spolia tua in medio tui. 2. Et congregabo omnes Gentes ad Ierusalem in prælium, & capietur civitas, & vastabuntur domus, & mulieres violabuntur: & egredietur media pars civitatis in captivitatem, & reliquum populi non auferetur ex urbe.

3. Et egredietur Dominus, & prælibatur contra Gentes illas, sicut præliatus est in die certaminis.

4. Et stabunt pedes eius in die illa super Montem olivarum, qui est contra Ierusalem ad Orientem: & scindetur Mons oli-

varum ex media parte sui ad Orientem, & ad Occidentem prærupto grandi valde, & separabitur medium montis ad Aquilonem, & medium eius ad Meridiem.

5. Et fugietis ad vallem montium eorum, quoniam coniungeretur vallis montium usque ad proximum: & fugietis \* sicut fugistis à facie terræmotū in diebus Oziæ regis Iuda: & veniet Dominus Deus meus, omnesque sancti cum eo.

6. Et erit in die illa: Non erit lux, sed frigus & gelu.

7. Et erit dies una, quæ nota est Dominus, non dies neque nox: & in tempore vesperi erit lux.

8. Et erit in die illa: Exibunt aquæ viæ de Ierusalem: medium earum ad mare Orientale, & medium earum ad mare novissimum: in aestate & in hieme erunt.

9. Et erit Dominus Rex super omnem terram: in die illa erit Dominus unus, & erit nomen eius unum.

10. Et revertetur omnis terra usque ad desertum, de colle Remmon ad Austrum Ierusalem: & exaltabitur, & habitabit in loco suo à porta Beniamin usque ad locum portæ prioris, & usque ad portam angularum: & à turre Hananeel usque ad torcularia regis.

11. Et habitabunt in ea, & anathema non erit amplius: sed sedebit Ierusalem secura.

12. Et hæc erit plaga, quæ percutiet Dominus omnes Gentes, quæ pugnaverunt adversus Ierusalem: Tabescet caro uniuscuiusque stantis super pedes suos, & oculi eius contabescet in foraminibus suis, & lingua eorum contabescet in ore suo.

13. In die illa erit tumultus Domini magnus in eis: & apprehendet vir manum

proximi sui, & conferetur manus eius super manum proximi sui.

14. Sed & Iudas pugnabit adversus Ierusalem: & congregabuntur divitiae omnium Gentium in circuitu, aurum, & argentum, & vestes multæ satis.

15. Et sic erit ruina equi, & muli, & cameli, & asini, & omnium iumentorum, quæ fuerint in castris illis, sicut ruina hæc.

16. Et omnes, qui reliqui fuerint de universis Gentibus, quæ venerunt contra Ierusalem, ascendent ab anno in annum, ut adorent Regem, Dominum exercitum, & célébrent festivitatem tabernaculorum.

17. Et erit: Qui non ascenderit de familia terræ ad Ierusalem, ut adoret Regem, Dominum exercitum, non erit super eos imber.

18. Quod & si familia Ægypti non ascenderit, & non venerit: nec super eos erit, sed erit ruina, quæ percutiet Dominus omnes Gentes, quæ non ascenderint ad celebrandam festivitatem tabernaculorum.

19. Hoc erit peccatum Ægypti, & hoc peccatum omnium Gentium, quæ non ascenderint ad celebrandam festivitatem tabernaculorum.

20. In die illa erit quod super frenum equi est, sanctum Domino: & erunt lebætes in domo Domini quasi phialæ coram altari.

21. Et erit omnis lebes in Ierusalem, & in Iuda sanctificatus Domino exercitum: & venient omnes immolantes, & sument ex eis, & coquent in eis: & non erit mercator ultra in domo Domini exercitum in die illo.